

www.BibleForChildren.org

Mateyo 26



Erhi hasigala
nsiku ndarhu
embere za Basâka,
Yezu ajà e Betaniya,
emunda Lazaro afûlaga
àbâga. Mariya anaciyanka
enjebe y'amavurha
g'omugavu gw'engulo
ndârhi, arhondêra agashîga
Yezu oku magulu anagahôrhola
n'emviri zâge; enyumpa yoshi
yayunjula kîsûnunu.




Yûda w'e Keriyoti, muguma muli balya ikumi na babiri,
anacijà emwa abajinji b'abadâhwa mpu amuhâne omu
maboko gâbo. Nabo erhi bayumva
ntyô, bacîshinga bwenêne,
banamulaganya ensaranga.
Obwo akâlonza kurhi
abona aha amuhânira.



Abaganda banacijira oku Yezu
arhegekaga, barheganya Basâka.
Erhi babà badwîrhe balya, Yezu
ayanka omugati, n'erhi abà
amagugisha, agubega, aha abaganda
bâge, aderha, erhi: «Yanki, mulye eci
guli mubiri gwâni». Ashubiyanka
akahe, avuga omunkwa, abahà,
anaderha, erhi: «Munywekwo
mweshi; bulya eci
guli mukò gwâni
gw'endagâno
mpyâhya,
ogwabulagwa banji
barhumire, mpu
bakûlirwe ebyâha».



«Simoni, Simoni, alà oku Shetani alonzize okummushengeshera nka mahemba; ci nakulagîre, obuyêmêre bwâwe burhahimagwa. Nâwe hano ogaluka, orhwalihye bene winyu». Amushuza, erhi: «Ka nkubwîre Petro, oluhazi lurhâbikè orhampakana kasharhu ene mpu orhanyîshi».



Obwo Yezu anacihika omu ishwa liderhwa Jetesemani ye n'abaganda bâge; ababwîra, erhi: «Bêragi aha oku najà hala ngend'ishenga». Aderha, erhi: «Abà, Larha, byoshi bihashikana emwâwe: onkûlekwo aka kahè; ci arhali nka oku nalonza, ci nka oku walonza wênene!»




Yûda anaciyisha adwîrhe engabo y'abasirika
n'abaganda barhumirwe n'abakulu b'abadâhwa
n'Abafarizeyi. Bali bafumbasire amatara
n'orhumole n'amatumu. Muguma muli bo
anaciyirîkira mwambali w'omudâhwa
mukulu, amushishimbula okurhwiri
kulyo. Yezu aderha, erhi:
«Mulekerage aho».
Amuhuma oku kurhwiri,
amufumya.



Erhi bayûs'imugwârha, bamugendana, bamuhêka omu
mw'omudâhwa mukulu. Naye Petro amuguma omu
cirali. Banacitwâna
omuliro omu cogo,
bagugorha; Petro
naye atamala
ekarhî kâbo.







Muguma w'omu bagaragu
b'omudâhwa mukulu,
mwene wâbo olya Petro
ajingûlaga okurhwiri, amubwîra,
erhi: «Ka ntakubwîne omu ishwa
mwe naye?» Petro ashub'ihakana.
Ho n'aho oluhazi lwabika.
Anacihuluka, aj'arhonga omulenge.



Boshi oku banali, bayimuka,
bamuhêka emwa Bilato. Bilato
anacimudôsa, erhi: «Ka we mwâmi
w'Abayahudi?» - Naye ashuza, erhi:
«Nêci: wakudesire». Omu kulonza
okulîka Yezu, Bilato
ashub'ibadôsa. Bôhe
bayâma, mpu:
«Omubambe! Omubambe
oku musalaba!»




Obwo anacibahàye mpu
bamubambe oku musalaba.
Banaciyanka Yezu. Abarhula
omusalaba gwâge, arhenga
omu Lugo, ajà ahantu haderhwa
«hantu h'Empanga», omu
cihabraniya «Golgota».



Hâhôla ho bamubambîre oku musalaba
na bandi babiri bo naye, ngasi muguma
eburhambi, na Yezu ekarhî.



Omwenda gwàli mumanike aha karhî k'aka-
Nyamuzinda gwasharhuka mpande ibiri. Okubundi
Yezu anaciyâma n'izù linene, erhi: «Larha, mpizire
omûka gwâni omu
maboko gâwe». N'erhi
ayûs'iderha ntyo,
arhengamwo omûka.



Yozefu w'e Arimatiya, mushamuka mukengwa w'ihano, owakâg'ilinga naye Obwâmi bwa Nyamuzinda, ajà emwa Bilato n'oburhwâli, amuhûna omubiri gwa Yezu. Okubundi Yozefu anacigula omwenda mwêru,

arhenza Yezu oku musalaba, amubohamwo Gulya mwenda, amubisha omu nshinda yali mpumbe omu lwâla; anacihirika ibuye linene omu lusò lw'enshinda.



Erhi kuca, Iwo lusiku lukulikira
amarheganyo, abajinji
n'Abafarizeyi
bashûbûzanya,
baj'emwa Bilato.



Banacimubwîra, mpu: «Waliha,
rhwakengire oku erya
ndyâlya yaderhaga, erhi
ecizîne, erhi: “Hano
kugera nsiku isharhu,
nâfûka!”»



Banacigenda, ecûsho bacihamika,
banahira ibuye
kw'ecimanyîso,
banahasiga abalanzi.




Erhi olwa-Sabato lugera, oku
mucêracêra gw'olusiku lurhanzi
lw'omugobe, Mariya
Magdalena n'owundi
Mariya banaciyisha
mpu barhangule
ecûsho.



Obwo igulu lyanacigeramwo
omusisi munji, Malahika wa
Nyakasane anaciyandagala
arheng'emalunga,
anaciyisha, ahirimya
lirya ibuye
analibwârhalakwo.
Abalanzi erhi
bamubona,

bageramwo omusisi
erhi bwôba
burhuma, banabà
nka mirhumba.




Malahika abwîra balya bakazi, erhi:
«Mwêhe murhayôbohaga;
mmanyire oku mwalonza
Yezu wabambagwa oku
musalaba. “Arhaciri
hano, bulya afûsire
nka kulya aderhaga”.
“Yishi mulole aha
bâli bamuhizire”.



Banacirhenga bimbirimbi ebwa cûsho
n'omurhima gubangalîre banasîmire
bwenêne; kwo kulibirh'ibwîra
abaganda bâge. Yezu
anacibashigâna omu njira,
ababwîra, erhi: «Asingi». Nabo
bamujaho, bamugwârha
amagulu, baharâmya.





Buzinda abonekera balya ikumi na muguma, erhi badwîrhe balya. Abakalihira erhi kubula buyêmêre kwâbo kurhuma n'oku buzibu bw'emirhima yâbo bw'okurhayêmêra balya bamubwîne afûsire. Erhi Mwâmi Yezu ayûs'ibabwîra ntyo, anacihêkwa emalunga, abwârhala ekulyo kwa Nyamuzinda.



“Nêci, Nnâmahanga azigîre igulu,
kuhika abâna Omugala cûsha, mpu
ngasi yêshi wâmuyêmêra alek’ihera,
ci abone obuzîne bw’ensiku
n’amango”.



Barom 3:23

Boshi bajizire ebyâha, baheza irenge Iya Nyamuzinda,

Barom 6:23

Bulya oluhembo lw'ecâha lubà lufù, ci engalo ya
Nyamuzinda bubà buzîne bw'ensiku n'amango muli
Nnâhamwîrhu Yezu Kristu.

Bahabraniya 9:27

Na bulya abantu liguma lyône bafà, n'enyuma ly'aho
batwîrwe olubanja,



Befezi 2:8,9

Bulya, nêci, nshôkano yâge, kuhirakwo obuyêmêre, yammucizagya. Obwo bucire, arhali omu misî yinyu burhenga, ci eri ngalo ya Nyamuzinda. Arhali omu bijiro burhenga, mpu lyo halek'ibà owacîkuza.

Barom 10:9,10

Bulya, akabà omu kanwa kâwe onahamîrize oku Yezu ye Nyakasane, n'akabà oyêmîre omu murhima gwâwe oku Nyamuzinda amufûsize omu bafù, wâcunguka. Nêci, obuyêmêre bw'omu murhima bwo buhisa omuntu oku obushinganyanya, n'obuhamîrize bw'akanwa bwo buhisa omuntu oku bucunguzi.



Yowane 3:16,17

“Nêci, Nnâmahanga azigîre igulu, kuhika abâna Omugala cûsha, mpu ngasi yêshi wâmuyêmêra alek’ihera, ci abone obuzîne bw’ensiku n’amango”. “Bulya Nyamuzinda arharhumaga Omugala en’igulu mpu ayish’ihana igulu, ci mpu lyo aciza igulu”.

1 Yowane 5:11-13

N’obwo buhamîrizi bw’obu: Nyamuzinda arhushobôzize obuzîne bw’ensiku n’amango, n’okubona buzîne bubà omu Mugala. Ogwêrhe Omugala erhi agwêrhe obuzîne; orhagwêrhi Mugala wa Nyamuzinda, erhi arhagwêrhi buzîne. Mmuyandikîre ebyo binwa nti lyo mumanya oku mugwêrhe obuzîne bw’ensiku n’amango, mwe muyêmîre izîno lya Mugala wa Nyamuzinda.



Mateyo 26-28; Luka 22-24; Yowane 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Shi Bible (shr) © BUKAVU Archdiocese of Bukavu, 2024

<https://www.bible.com/bible/3953/GEN.1.MKB>

©2026 Bible for Children, Inc.

www.M1914.org

www.bibleforchildren.org

